

廣東省地方志辦公室輯

廣東歷代方志集成

南雄府部（二）（道光）直隸南雄州志

嶺南美術出版社

廣東省地方史志辦公室輯

廣東歷代方志集成

南雄府部〔二〕

嶺南美術出版社

〔道光〕直隸南雄州志

〔清〕余保純修 黃其勤纂 戴錫綸續纂修

清·嘉慶二十四年（1819）修

道光四年（1824）續修 廣州心簡齋刻本

原書版框高一九四毫米寬一四五毫米

據廣東省立中山圖書館藏本影印

沈 娜整理

目錄

卷首	
序	一
舊序	三
纂修職名	一六
凡例	一八
目錄	二一
卷一	
輿圖	二三
卷二	
沿革表	三四
封建表	四五
卷三	
職官一	四八

卷四

職官二

六四

卷五

職官三

八三

卷六

名宦錄

九九

卷七

選舉上

一一四

卷八

選舉下

一四二

卷九

輿地略 疆域 形勝 晷度 分野 氣候

戶口 風俗 物產

一六〇

卷十

山川略 山川 水利

一七九

廣東歷代方志集成

卷十一	建置略一	城池	都里	廨署	學校	一九三
卷十二	建置略二	壇廟	梁津	關隘	墟市	二一九
卷十三	經政略一	典禮	祀典上			二三〇
卷十四	經政略二	祀典下	書院			二五八
卷十五	經政略三	祿餉	恤政	田賦		二七六
卷十六	經政略四	鹽法	權稅	積貯	兵制	郵政
監倉						三〇〇
卷十七	藝文略一	詩一				三一六

卷十八						
藝文略二	詩二	賦				三三六
卷十九						
藝文略三	文一					三四九
卷二十						
藝文略四	文二					三六三
卷二十一						
藝文略五	文三					三八三
卷二十二						
藝文略六	文四					四〇〇
卷二十三						
金石略						四一七
卷二十四						
古迹略	城址	署宅	樓臺	名勝	坊表	
冢墓	寺觀					四三四

直隸南雄州志卷之首

序

綸前度涖雄適改州伊始竊欲續府縣志爲州志以百務待興卒未遑而去道光壬午承乏重來繼奉調補知前任余君保純署任徐君維清先後延學博黃君其勤於嘉慶二十四年勒有成書待刊喜得我心謀代授梓旋由徐君郵寄讀之其書本府志之舊文從通志之新例或仍或改具費匠心沿革清丈學額書院水利金石採輯尤爲詳覈惟不錄始興未符體制考之府縣舊志亦有不能概從刪汰者於是緩制刷而謀補直檄取始邑胡大

直隸南雄州志卷之首

令勳裕新志藁本因黃學博成例依類彙編舊志應存者補新事應入者續屬草於癸未七月逮冬初領到

阮芸臺制府廣東通志全函覆加校核乃知舊志並有脫漏而補綴益不容已矣舊府志修自乾隆癸酉本十九卷黃學博約爲十三卷曰南雄州志綸補舊增新釐爲三十四卷曰直隸南雄州志甲申春正藁成復得權州事宋大令揚光悉心叅訂釐改校讎歷夏及秋而繕刊始竣日忽經年藁凡數易雖曰續修殆不啻舉全書而新之也黃學博重修時筆資繕費二百金皆捐自余君此次繕寫

刊刷則有前陞州程月川中丞捐存之百兩州生員葉德全樂助之五百金不足者綸自捐給雇冊載從官夙慙寡陋重以衰病續有纂輯胥本諸採訪人士舊聞軼事亦多得之前時查對書籍校正繕刻屬之大兒澤同然以七十之老夫濡毫記載固素願倖償其何以辭無文之誚哉況此書本節節而爲之身旣引疾念切還山其間體裁未及畫一冗蔓尙俟芟除綸於來哲不能無厚望焉書成爰臚始末冠之篇端

道光四年秋七月壬戌朔

誥授奉政大夫南雄直隸州知州光山戴錫綸

直隸南雄州志卷之首

重修南雄州志序

南雄志肇自宋嘉定迄有明之世凡八修矣惟嘉靖壬寅譚司徒大初採而輯之人稱善本逮我朝順治庚戌郡守陸世楷重修文辭斐疊而尙缺田賦一書康熙丙寅郡守黨居易乾隆癸酉給諫胡定更加補葺至今又六十六年矣嘉慶歲戊寅

督憲阮

撫憲李

奏修省志委

糧道憲盧 提調志局先命各府州縣預輯草志

而南雄適當改府爲州之後案牘散失文獻無徵

直隸南雄州志

卷之首序

三

頗難措手迺遵頒發章程定其義類約其指歸聘請學正黃君其勤專司總纂分纂者州同汪君阜訓導何君逢泰復延城鄉紳士廣爲採訪而余亦以公事之餘親加校核凡閱一期而告竣夫志書之作非特紀事實尙辭華也將使後之覽者觀事以知政因時而考治論世以知人孰得孰失孰利孰害孰賢孰否莫不條分縷析法戒昭然則教民成俗之方亦於是乎在夫惟大公無私考訂詳確上質諸鬼神下徵諸衆庶然後可以信今而傳後則是書之作益亦勤矣惟是司纂者摭摭數十年之事耳目或有未周而予亦以簿書鞅掌之身釐

訂恐多未確疎漏之譏誠有不免採而補之以俟後之君子

皆

嘉慶二十四年歲次己卯五月署南雄直隸州知州候補同知直隸州毘陵余保純撰

直隸南雄州志

卷之首序

四

乾隆癸酉志序

給諫胡定郡

天地之氣始於北而盛於南故三代而上聲明文物炳郁於嵩華恒岱之區時雄境雖隸荆吳而雉堞未崇鴻逵未啟山川之精英固鬱結而未舒也迨秦漢以還風氣日開由是始析為縣繼設為州尋陞為郡鑿山通道而冠蓋如雲引水築渠而禾麻蔽野桓桓者如熊羆如虎貌休休者作鹽梅作麴蘖鴻鸞鵠侶鵲起蟬聯衣冠之氣盛於臺關墨水間矣夫地衝則應接不暇物阜則調劑多功凡疆城之廣輪國家之經制風情俗尚宦蹟鄉評事變紛如不可無方志以資考鏡也稽南宋嘉定時直隸南雄州志卷之首舊序

直隸南雄州志

五

州牧孫公肇修郡志洎元至正明永樂正統成化正德重訂屢輯至嘉靖壬寅司農譚莊懿公七畧兼融三長並茂掩雲夢以吞之湛秋陽以昭之已而萬厯周郡侯天啟汪郡侯暨我

朝郡侯陸公姚公黨公吏治飾以儒術繁絃間發縟彩相輝簡冊中不已昭然得失之林與歲癸酉我郡侯梁公以佐命之華胄為一路之福星明以燭微廉以勵節盤錯既剗於利器豚魚亦格於中孚更念志乘為典章所繫風化所關曠六十八年宜加纂組斯誠嘉惠之雅意也定以固陋謬贊修明魯鼎看銘拘戈考篆核其所未確詳其所未周益以

當代之洪猷時賢之芳躅煮泥續尾軸以成焉梁昭明云椎輪為大輅之始大輅寧有椎輪之質屑水為積水所成積水微屑水之凜躡其事而增華變其本而加厲紀其文物發其聲明敢上擬於良史哉庶竊附於裨官之著述焉爾

康熙丙寅志序

知府黨居易

攷自班固志地理野王著輿地郡國效之因為國乘蓋以網羅舊聞取信後世大而天下則有一統志囊括六合號稱全書下而各省則有通志名曰會典其間人材之盛衰山川之頑秀物產之妍媸習俗之醇澆靡不筆而存之以備採風者之徵索

直隸南雄州志卷之首舊序

六

雄州僅制二邑社不滿百科目雖稍遜於中原然代有名臣其偉績可相頡頏焉至於山川物產習俗則又各物其土之宜不容掩也志則自宋迄明經八修矣要皆散佚不全我

朝定鼎前守陸世楷於順治戊戌年復重修之顧未竟而以讀禮去繼守姚昌廷於乙卯年補其全稱成書者迄今已數年矣茲蓋恭遇

皇上

武功通駿指戈銷蠹動之氣

文德丕昭輯典紀時雍之盛今奉 撫憲李 藩憲鄧 檄居易預為考訂增其闕略雖識慚窺豹才愧續

貂敢不竭盡搜羅勉圖補纂謹蠲丙寅仲冬偕通判范之清昌令張進賢與令魏琪經歷孟汝俊府學教授關道賓訓導李翹楚保昌縣訓導黃道臨始興縣教諭霍履吉訓導譚秉奇本郡舉人李亦穀汪注許上覲貢生譚葉臣梁映霄汪維巖生員吳國霖邱人鳳譚經才會一嶸廖德豫張九德劉寵標黃宏道蔡蕃王鍾繼先等共襄事焉易聞郡之有志猶國之有史也以吳競劉煦之宏才猶文繁而實隱必待曾公亮而論定劉子元之三長歐文忠之獨學猶曰義例未彰於方冊逮至朱紫陽之議而始成易豈其人歟惟幸前人已有成書第直隸南雄州志卷之首舊序

皇猷則吾豈敢

康熙乙卯志序

知府姚昌廷

輿地之有圖志尙矣古者輶軒之使博採風謠陳之太史獻之天子欲以周知土俗之同異民情之樂苦以徵夫治理之盛衰時代之升降况乎山川形勢之阨塞田賦戶口之盈虛與凡人物制作之規模文章事理之條貫尤不可以不詳載而審考之者也維雄所轄二邑不滿百社而實居南粵要衝民之土著者稀五方之雜處商賈之往來十得六七故嘗置關梁於此益以譏察出入杜奸宄之源匪但堯權之爲重也郡乘自明萬歷訖修及今簡冊殘缺前任陸公綱羅舊聞搜緝佚史彙爲全志尙遺田賦一卷未成而去而雄舊以畝虛缺額派實見戶孔道煩劇調應惟艱一時蒿目民瘼者行補苴權宜之計或未減於輕齎或取藉於橋稅及乎勢變事遷向之所欲竭力以垂永久者不能無所搖撼而升科厲民之弊終不可去往牒論之詳矣此則仁人君子之所當留意而深酌之者也若夫魁梧長者代不乏人其流風善政山川習俗可案籍而考也陸公蒞雄最久民有甘棠之思焉猥以淺薄繼其後迺爲綴緝補述付剞劂俾成全書其卷袞次第悉因其舊俾繼世之君子得要觀焉

天啟丙寅志序

知府汪之浹

直隸南雄州志

卷之首

舊序

九

南雄志志雄風也風之發也蓬蓬而起徐披拂於
林莽之間衆竅和鳴各極于喁之致誠氣有所感
類有所應也故倡於上而曰風化而成於下曰土
風又曰民風其中德教之漸訖功烈之薰蒸與夫
節義忠良之鼓鬯而磅礴精誠所至自結運會寧
獨氣機升降謠俗乃有汚隆哉雄之山川風物兵
賦城池暨墟廟亭臺諸勝蹟前志亦纂備矣間有
因革要不過於舊貫裒益從事非有陵谷變遷滄
桑易位者也惟是宦達名賢貞良節義雄雖最爾
亦自代不乏人乃萬歷十三年以迨今日幽芳不
錄姓字無傳將嚮風者何以爲景行行止地哉不
佞承乏茲土雅欲補偏救弊勵俗維風所接武明
興以來陳鄭周黃諸君子奈以衝途奔播半度日
於牛馬走中故夙所懷來十未酬其一二今歲首
稍暇始進兩庠筆墨之精良者廩生陳祖虞陳其
禮陳以課譚沂鍾宇湛何光祚日取雄志詳而輯
之逸者補缺者修闕月之中校讎甫畢而陽侯浪
作且釋舟楫而問菊松矣夫李廣結髮從戎每以
不一當匈奴爲恨迨爲前將軍而又迷失道豈非
天哉雖然余行不昧顛沛何傷此不佞於纂錄將
竣之日亟付梨棗不遑於驪歌聲裏更着踟躕也
後有作者倘謂百狐萃腋鑒爲裘者之苦心以論

直隸南雄州志

卷之首

舊序

十

世之思成不朽之業是志之成庶幾其有風乎倘
曰躬之不閱遑恤其後則不佞實無辭置對矣
天啟丙寅志後序
推官 毛丹采
府志以志府事則宜洪纖具備事閱時而補時殊事
更宜沿革畢陳俾攷究者歷歷可指而酌也雄州
王制有虛糧軍屯有登耗取志質之杳無更易本
未當調兵需饗之際苦心酌劑限於莫可參互未
嘗不掩卷浩嘆也不寧唯是且並原版失去者四
十疇披覽之前後不相屬令人憤然欲擲會攝府
符通命工剗刪增所未有亦僅僅補所本有爲覽
者差快耳若屯賦等事則有待於綜核之士蒐家
乘采口傳以訂定而垂將來毋使後之慨今又如
今之慨昔也余任茲土自乙丑之中秋泊庠戊辰
中春厭羈劇而思避地遂以釋去知而不及行者
多端祇自菀菀猶幸初代府庖於郡膠中殿堂門
庫葺飾繕完載代府庖而缺志爲全編庶幾歷雄
一番不成虛度云爾
萬歷乙酉志序
提學 陳性學
僉事
古九州之志載在墳典至周以誦訓職方氏掌之
所繇來舊矣雄故揚州南境也其以雄名郡者何
巾峰青嶂葱萃屹立凌昌西注洎連南瀝控番夷
而界江楚爲嶺外第一區而襟帶而巖險而物華

直隸南雄州志

卷之首

舊序

一

而人文衰然燭然環百餘里市城笳柝相聞也按
圖索紀自漢平粵之後華風已開奚待唐開元爲
通道始宋宣和爲郡郡先乎昔之方志永樂間嘗
詔督修之漫不可考余先人嘗爲是郡佐遺有鄧
文江舊本居常緝省謂其地庶幾頡頏中州也歲
乙酉春余奉命來董粵臬度梅關而南目擊山
川之勝攷跡而問志司理施君方視篆授簡而讀
之益郡人譚次川之續編也豈在肅皇帝壬寅
距今幾五十年所文多殘闕且版籍久而寢圯已
宜重有紀述以待太史氏亡何太守周君下車獨
事振厲於典故尤究心焉因慨然曰先正有人界
而索經者况郡志一方之史也簡畧若茲欲執以
鏡吏治何繇哉遂謀於施君暨諸薦紳文學博士
弟子殫厥元覽悉陳略記分曹開局而校讎舛舛
者飭蕪者芟誕者紕逸者補總成八卷標分臚列
眎昔彬彬具焉余獲寓目其成幸已何敢涉筆其
間庠嘗問康太史德涵氏志武功得載筆體乃崔
司成於鍾氏志彰德悉倣之二氏蜚英關洛才均
班馬跡其所紀大都緒理會要以垂勸鑒不齟齬
競芥藻譚厥後臨江諸郡乘宗焉余觀是志也初
意地理湮蕪作郡圖有大鑑戒宜特書作郡紀賢
人關治休替作職官選舉表爲志之例則提封營

直隸南雄州志

卷之首

舊序

二

繕食貨秩祀學校而兵防繼之爲傳之例則名宦
鄉賢忠節將畧流寓孝義貞烈而方外附之至於
斷珉殘碣遺文墜什拾於輿窰荒蕪者咸備識焉
詳而核簡而工是是而非非疑疑而信信宛乎二
氏家法也有如今日修成廟故事籍之天京且將
爲內史助詎獨以空文傳述如武功彰德已哉雖
然以金鑑者識妍媸以古鑑者明法戒卽是志匹
夫匹婦以一節著於鄉皆得書或高顯通貴而泯
淪無聞媿之矣雄之先碩彥繩武率壘壘有人至
如隋之麥鐵杖唐之張文獻宋之譚許彭陽諸公
豐勛茂績迄今爛然史冊志之更詳足資尙友覽
者其孰無彊爲善之心也古所謂裨官莖史意在
斯序是編也太守周君保實總裁之叅訂則郡佐
鄭君良佐施君可大邑令汪君一右校閱則學博
張子異容子維翰陳子徽柔若庠士溫汝學表庶
陶楷譚衡裴賡葉棟蓋先後操筦佐成者也並書
之

萬歷乙酉志序

知府周保

古者自王畿至侯國莫不有史掌記時事如星曜
分野保章氏辨之山川形勝禹貢書之則壤粥服
職方氏掌之又有小史外史土訓誦訓之設凡爲
語俗圖志之掌備載周官可攷據也我朝大一統

之盛際邳隆之運王畿而外建置郡邑以分治理
夫今之郡古之侯國也今之志古之史也爰稽諸
古晉之乘魯之春秋與周志鄭志之類凡皆爲記
事史也所以掌故實職登載備考閱者不昭昭簡
牒乎南雄界五嶺外百粵奧區自漢迄元摺紳學
士操觚弋莠林者獨無志籍備典故哉第世述言
湮楮蠹文殘無足稽徵明與歷朝循襲以成一郡
之志者雖數經纂組率董董恂備嘉靖王寅尙書
次川譚公以良史之才握剛潤之柄彙括往迹綜
覈時事嘗有所指摘而錯節衍語體裁辭法勒成
一家言西京而下作者靡及其左馬二氏之流亞

直隸南雄州志

卷之首

舊序

三

乎郡事藉是可考鏡矣但自絕筆距今四十餘禩
其星野山川疆域之宜雖罔變易而財賦之盈縮
土俗之因革循良之疊蒞賢俊之存登坊署之更
置軍旅之變通率未錄載况據通志猶有一二抵
牾闕畧又當宜補而釐正也余政暇慨舊板遭燬
乃商諸同寅續修綬梓檄聞當途咸示曰可於是
命訓導容維翰陳檄柔偕庠士溫汝學裴庶陶楷
譚衡裴賡葉棟菟羅往牒反覆校讎星野昉乎甘
石二家山川疆域依之禹貢次田賦而尺籍明矣
祠祀而秩典紀次官師里氏而治忽叅稽次選舉
科貢而明制不紊次學校以揆文次兵防以奮武

次名宦思遺澤也次鄉賢樹表式也次忠節貞烈
以爲激世之大端次詰封廕敘以揚國典之大義
他如將畧有書方外有書怪異正祥有書凡有關
郡治可備省覽者皆髮櫛緝貫靡或遺也月餘輯
成鄉先生欲余一言序之余以左氏傳記彙麟麟
經太史公抽石室次史記則據國語采世本述楚
漢春秋接其後事余陋識寡聞敢曰南史董狐若
簡筆乎大都因譚公之舊文續櫛採之新事襲前
章總大校而以愚管增演成帙俾闔郡事一發簡
瞭然若指掌林然若貯品藥於篋肆以需異日倉
扁按而求耳彼嘒星之繼朝陽飛塵之集華嶽果

直隸南雄州志

卷之首

舊序

四

有裨否耶無亦據事核書存一印證以俟後之君
子云

萬曆乙酉志序

同知 鄭良材

函夏輿圖掌於職方氏畿輔外幅輳修鉅者置爲
郡間有孤懸衝要當四方襟喉雖封疆僅僅類古
附庸亦設城守南雄居粵徼距漢入華隋唐宋元
之際建置不倖迨我明建爲郡屬邑二封疆延袤
雖匪修鉅豈非以衝要當襟喉乎梅關而下置郵
連絡仁化信豐爲東西肘腋北之南安南之韶陽
勢相犄角全粵之區恃爲鎖鑰山川環峙疊翠叢
青風氣淳結而毓人文先後彪炳如唐張文獻宋

直隸南雄州志

卷之首

舊序

志

譚八行邱忠節輩耿耿烈書史冊今登賢科顯仕籍尤書煜寓內直賦稅懸虛閭蕭索物產未繁罔資殷阜耳揆此悉關郡事非紀之志籍則觀風者胡鑒贏絀按治者胡鏡豐歉都人士亦何藉以考前証後元以往典籍殘缺不可稽矣國初以來屢更纂輯嘉靖壬寅修於郡尙書次川譚公紀事屬詞足爲信史垂數十禩其間變遷沿革歲殊而時或異余忝忝半刺筦務暇嘗與諸寅商謀續紀矣適舊板遺害祖龍是歲乙酉堂長周公寅丈施公慨然孚志修復廼命學職偕弟子員析曹校訂就耳目所親記搜羅彙括續前記載凡天地災祥山川封域土田物產吏治民風學校人才防禦武備班班編輯緒就付之剞劂上請臬司陳公揮穎摘章敘於簡首堂長寅丈增以繪藻余匪佞叨從署末敢援筆續貂協成懿籍爲一方輿圖云

萬曆乙酉志後序

舊志關名

雄嶺以南最先郡也名介百粵中實與古洪都接壤中州人物之化亦最先被由漢唐以來道德勲名節義之士燭然光簡冊而其中科第聯翩若張文獻公邱僉判公並以兄弟雁行而登朝寧何盛也八明初亦不乏人乃今則寥寥矣豈今昔之人才果異歟抑一方人文必有待而興也不佞自萬

直隸南雄州志

卷之首

舊序

志

懋癸未秋來理是邦見郡志所刻僅及嘉靖壬寅以前然已殘闕弗備低徊太息者久之乙酉春承乏署篆適監司陳公至出志觀之曰噫是鉅典也可弗急歟遂計直庀材業已什七而郡長周公繼至銳然有意於維新則又鳩工諏日以從事迨丙戌春告成夫山川清淑瓊璋之氣不發則不宜不激則不應是書之成列名區存勝概揚前休崇後觀數十年來所蘊結溜闇而未宣者行且昭爲國史蔚爲人文與巾山淩水相輝映也由斯以往安知科第之出不與名都相頡頏哉又安知道德勲名節義不與先哲相炳耀哉然則是書也乃雄州文獻之始也不可以無識

嘉靖壬寅志序

按陳序及職官關吏部右侍郎歐陽鐸

嘉靖癸未余領督學廣東之命仲冬之月遵廣嶺而南道旁松數千章甚奇古相傳張文獻公手植徘徊久之抵雄凌江已月上矣舟遂夜發明年孟夏迺復至雄視學有間上平政樓望巾山挹金馬招威鳳於東岡占瑞龍之晴雨壯哉五嶺之首一大輿區也盡保昌始興地雖不能百里然而襟百粵帶羣蠻內通江漢外控番禺屹然南國之紀攷諸前志秦漢略焉唐自開元而後梅關刊木人文由昭至於宋元深矣而其事亦多闕亦有不可以

訓者會議修通志檄學官弟子博取草上之未竟
余以遷去後二十年保昌進士譚子大初攷索載
籍刊誤剔蕪增益其未備發凡舉例爰成新志太
守胡君永成重加校定錄其副遣朱生端明蔡生
邦俊卽會雲山庄示予其言沿革之故利害之端
詳矣大書以敘事分註以載言益用史記法以志
亦史也詩文有通錄有節文有刪句刪字此以志
而權筆削貴質也諸有久廢而不宜廢者不以入
故蹟後有復焉者可也山川必高大靈異者望也
祠宇必有大功德者思也望可表也可祀也思則
不淫矣名宦以爵敘者制也鄉賢以世敘者猶尙
齒也食貨詳於虛賦者民最病也風俗熾惡並書
者民所習也茲其望乎上者尤厚乎終之以方外
而寺觀附焉秋異教立民坊也蓋胡君兼治春秋
學與譚子同道故多用斷例然而不苟不固不遺
不襍斯其善志也已雖然亦欲記諸行事則寧有
大於學校食貨者耶而雄之積弊亦是爲甚夫養
士如種木然株而植之能株而成之乎民輸當如
負物無過其力過其力則仆矣余往取士於民間
至數十人竊取博種之義由今觀之何如也諸君
子誠篤教誨亦以其類相長有足相承耳虛賦不
可以蠲則必取諸民胡君以餘田補見戶之虛以

虛田虛丁折力役之征如彼負者少損矣其有弗
任乎夫學校興則選舉貢辟蔭敘風俗由此其階
也虛賦平則戶口料役物產秩祀繇此其資也事
蓋有舉其一而諸善從是故君子惟大之爲務安
成前後守雄者三人若劉公嘉秀特著在傳胡君
剛介廉靜似之而譚子妙年青才厲志秉禮其將
以修曲江之業乎宦思同績鄉思同德斯志載續
富有執簡以從者
嘉靖壬寅志又序
提學 副使 林雲同
嘉靖壬寅冬十月南雄志成上余請敘得覽觀焉
有圖有紀曰何幅員之小也其廣下郡與然而間
於兩省之間矣母曰民寡惟慎厥事我前聞之也
有職官官列而賢不肖古今晰矣思齊內省孰無
是心高輔何人也然固卑微以獲戾去猶亟書其
績爲叔屈也公論在人心蓋茲徵之爲善者何懼
焉有選舉學校則科第間一見耳夫自元以往吾
無論矣惟我朝以文章取士士兢兢濯磨以進而
賢者能者詎有出此之外者乎是何其寥寥然孟
軻云若夫豪傑之士雖無文王猶興况遇文王此
中林兔豎所爲皆干城腹心也今聖明馭極緝熙
敬止縱不爲豪傑豈可自讓于中林兔豎之夫哉
然鼓舞振作誰任其職庸弗惕與提封至風俗篇

直隸南雄州志

卷之首

舊序

九

言士恥奔競賈憚遠商工無巧技喜曰夫猶先王之遺也尙質務本則人罕淫心然喪以鼓吹禮無親迎不亦陋乎反正之思客但已哉營繕之政有國所不廢也然本以利民非以虐民君子慎之開路六議其仁人之言乎邑無全里里無全甲甲無全戶吾於食貨志傷焉調攝攻補如醫用藥則良司牧矣秩祀典也兵防衛焉敬以臨之故敢練以教之故不棄其誰則知之迨讀至諸傳名賢忠烈貞孝簡核詳慎可興可勸史氏之規也余則潛然涕出矣昔我先君司教茲邦忠信仁義交孚上下今猶烈烈耿耿光乎是識諸人心者也雲同何忍言哉方外殊品也可以書可以無書備之云爾夫有大下之動而文籍生焉曰經曰史經以明道史以著事要之匪二也故讀經不讀史曰疎讀史不讀經曰舛今六經尙矣諸史備矣志史流也古列國皆有史今郡縣卽古列國是以各得志焉君子曰夫志昭往貽來也有三才之道焉故仰稽天文俯察地理中周人事志則具矣爲政者亟修之然怠者不肯修愚者不能修弱者不暇修余茲歎耳見斯志而知胡守之善政也胡守官未數月遂銳意纂集猶不自專特請督府蔡公巡院姚公泊二司與余報可而後與鄉人名進士譚子成之夫治貴

直隸南雄州志

卷之首

舊序

辛

先務志成而三才具省驗封守因革損益行焉其於政也何有故曰見所志而知胡守之善政也胡守名永成譚進士名大初而保昌尹林燭學諭王盡臣咸與有力然咸賢司儒也法得俱記云
嘉靖壬寅志後序
知府 胡永成
雄志三十年未修續修於今非永成敢獨任其事幸有郡進士譚君次川成稿在永成特樂成之云爾夫雄爲嶺南小郡今閱是志人民故實秩然明備森然簡嚴而諸老先生雄文高作又黼黻乎卷端雄雖小而重矣嘗憶杞宋在春秋亦爲小國文獻不足孔子傷之夫文獻何可不足亦爲當時柄國之士狃於小而畧且怠焉耳永成之處小與杞宋人同惟畧且怠之是懼求以免夫將來君子之傷此所以樂成夫今日之舉也若謂末學荒蕪而亦能贊一詞於篇末則豈敢哉是舉也謀肇於嘉靖壬寅八月其十月卽奏功若同僚紫山裴君相松溪張君曰蒙咸喜襄厥事者也詎可畧云
嘉靖壬寅志又後序
戶部 譚大初
尙書
雄之爲州自僞漢乾和始州之爲南自宋開寶始郡故有志歷宋元而正德凡六修嘉靖壬寅冬安成嶺泉胡侯下車之明年也政平訟理民日以蘇攷閱圖志慨然懷古懼文獻不足傳遠也乃上其